

**ხელშეკრულება №49**  
**სახელმწიფო შესყიდვის შესახებ**

შესყიდვის განხორციელების მიზნით, გამარტივებული შესყიდვის საშუალებით წინამდებარე ხელშეკრულება დაიდო „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტისა და „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული წესის მე-2 მუხლის „ა“ ქვეპუნქტის შესაბამისად (CPV 45310000 - ელექტროსამონტაჟო სამუშაოები)

წინამდებარე ხელშეკრულება დადებულია "25" ივლისი 2019 წ. თბილისი.

ერთი მხრივ, **სახელმწიფო აუდიტის სამსახური**, წარმოდგენილი მისი გენერალური აუდიტორის მოადგილის დავით გოგიჩაიშვილის სახით

მისამართი: ქ. თბილისი, წმ. ქეთევან დედოფლის გამზირი №96

საიდენტიფიკაციო კოდი: 202051956

ბანკის დასახელება: ქ. თბილისი, „სახელმწიფო ხაზინა“

ბანკის კოდი: TRESGE22;

ანგარიშსწორების ანგარიში: GE24NB0330100200165022

და მეორე მხრივ, **შპს „კოლხეთი 55“** წარმოდგენილი მისი დირექტორის კობა კერესელიძის სახით (შემდგომში მიმწოდებელი),

მისამართი: თბილისი მანჯგალაძის ქ., №6

საიდენტიფიკაციო კოდი: 200006965

საბანკო რეკვიზიტები: ს.ს. "თიბისი ბანკი"; ბანკის კოდი: TBCBGE 22820; ა/ა GE90TB0500000360201022

შორის

**მუხლი 1. ხელშეკრულებაში გამოყენებულ ტერმინთა განმარტებები**

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

**მუხლი 2 ხელშეკრულების საგანი**

- 2.1. ხელშეკრულებით გათვალისწინებული შესყიდვის ობიექტია: სახელმწიფო აუდიტის სამსახურის სატრანსფორმატორო ჯიხურის 630/400/6კვ მკვებავი მაღალი ძაბვის კაბელის აღდგენის სამუშაოების შესრულება, ხარჯთაღრიცხვის შესაბამისად (შემდგომში სამუშაო).
- 2.2. მიმწოდებელმა უნდა უზრუნველყოს სამუშაოების შესრულება შესაბამის სფეროში მოქმედი რეგულაციების და ხარისხის სტანდარტების სრული გათვალისწინებით.
- 2.3. ხარჯთაღრიცხვა თან ერთვის ხელშეკრულებას და ითვლება მის განუყოფელ ნაწილად.

**მუხლი 3. ხელშეკრულების ღირებულება**

- 3.1. შესყიდვის ობიექტის ჯამური ღირებულება განსაზღვრულია წინამდებარე ხელშეკრულების ხარჯთაღრიცხვის შესაბამისად და შეადგენს **850 (რვაასორმოცდაათი) ლარს, დღგ-ს ჩათვლით**.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

#### **მუხლი 4. შესყიდვის ობიექტის მოწოდების ვადები და ადგილი :**

სამუშაოს შესრულება უნდა განხორციელდეს ხელშეკრულების გაფორმების დღიდან 10 კალენდარული დღის ვადაში, შემდეგ მისამართზე: ქ. თბილისი, წმიდა ქეთევან დედოფლის გამზ N96

#### **მუხლი 5. სამუშაოს ხარისხი და გარანტია**

5.1. მიმწოდებელი იძლევა გარანტიას, რომ შესრულებული სამუშაო იქნება ხარისხიანი, შესაბამის სფეროში მოქმედი რეგულაციების და ხარისხის სტანდარტების სრული გათვალისწინებით და შესაბამისი შემსყიდველის მოთხოვნებთან.

5.2. შესყიდვის ობიექტის საგარანტიო ვადა შეადგენს მიღება-ჩაბარების აქტის გაფორმების დღიდან 1 (ერთი) წელს.

5.3. სამუშაოების დასრულების შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით, ასევე, უზრუნველყოს მისი ქმედებით მიყენებული ზიანის ანაზღაურება მესამე პირების მიმართ.

#### **მუხლი 6. ხელშეკრულების შესრულების კონტროლი**

6.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე, მათ შორის სამუშაოს ხარისხის პერიოდული ინსპექტირება.

6.2. ინსპექტირების შედეგად დგება ინსპექტირების ჯგუფის დასკვნა.

6.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

#### **მუხლი 7. შესყიდვის ობიექტის მიღება-ჩაბარების წესი**

7.1. შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით, ინსპექტირების ჯგუფის დადებითი დასკვნის საფუძველზე.

7.2. სამუშაო ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

7.3. სამუშაოს მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით, გონივრულ ვადაში, უზრუნველყოფს მიმწოდებელი.

7.4. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული სამუშაოს წუნდების მიზეზის მითითებით.

#### **მუხლი 8. ანგარიშსწორება**

8.1. ანგარიშსწორება განხორციელდება სამუშაოების დასრულების შემდგომ, მიღება - ჩაბარების აქტის და საგადასახადო ანგარიშ-ფაქტურის წარდგენიდან არაუგვიანეს 10 (ათი) სამუშაო დღის ვადაში;

8.2. ხარჯთაღრიცხვაში დაშვებული ნორმატივით გათვალისწინებული ხარჯი შემსრულებელს აუნაზღაურდება მხოლოდ ხარჯის დამადასტურებელი დოკუმენტების წარმოდგენის შემდგომ.

8.3. ანგარიშსწორება განხორციელდება ლარებში.

8.4. სახელმწიფო შესყიდვის დაფინანსების წყაროა: სახელმწიფო ბიუჯეტი;

8.5. საავანსო ანგარიშსწორება არ გამოიყენება.

#### **მუხლი 9. ფასები**

9.1. ხელშეკრულებაში განსაზღვრული ფასის ცვლილება დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).

9.2. ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს

წერილობით , რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

### **მუხლი 10. ფორსმაჟორი**

10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორსმაჟორი ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება ასევე შეიძლება გამოწვეული იქნას ომით, ეპიდემიით ან სხვა სტიქიური უბედურებით;

10.3. ფორსმაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუზიაროს მეორე მხარეს დოკუმენტურად დასაბუთებული წერილობითი შეტყობინება ასეთი გარემოებების და მათი გამოწვევი მიზეზების შესახებ..

10.4. წინამდებარე ხელშეკრულების 10.3. პუნქტით გათვალისწინებული გარემოების დადგომისას მხარეები უფლებამოსილნი არიან ხელშეკრულების შესაბამისად, შეცვალონ ან შეწყვიტონ ხელშეკრულების პირობები, სრულად შეწყვიტონ წინამდებარე ხელშეკრულება.

### **მუხლი 11. მხარეთა უფლება-მოვალეობები.**

11.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას ხელშეკრულებით გათვალისწინებული სამუშაო;

11.2. შემსყიდველი ვალდებულია გადაუხადოს მიმწოდებელს ხელშეკრულების ფასი ხელშეკრულებით გათვალისწინებული პირობების შესაბამისად;

11.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს ხელშეკრულებით გათვალისწინებული სამუშაო;

11.4. მიმწოდებელს უფლება აქვს მიწოდებული სამუშაოს სანაცვლოდ მიიღოს შესაბამისი სამუშაოს ხელშეკრულებით გათვალისწინებული ფასი.

### **მუხლი 12. მხარეთა ურთიერთობა**

12.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას (მათ შორის ელექტრონული ფორმით);

12.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

### **მუხლი 13. მხარეთა პასუხისმგებლობა ხელშეკრულების პირობების შეუსრულებლობისათვის**

13.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვნად შესრულებისთვის;

13.2. თუ ერთ-ერთი მხარე არ ასრულებს ან არაჯეროვნად ასრულებს ნაკისრ ვალდებულებას, მეორე მხარე წერილობითი ფორმით აფრთხილებს მას შეასრულოს ხელშეკრულების პირობები;

13.3. ხელშეკრულების ერთი მხარის მიერ ვალდებულებების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს, შესაბამისი გაფრთხილების გაგზავნისა და დამატებით განსაზღვრული ვადის უშედეგოდ გასვლის შემდეგ, უფლება აქვს ცალმხრივად ვადამდე შეწყვიტოს ხელშეკრულება.

13.4. შემსყიდველი უფლებამოსილია ხელშეკრულებით განსაზღვრული შესყიდვის ობიექტის მიწოდების ვადის გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.1% - ის ოდენობით, ჯამში არაუმეტეს 5%-ისა.

13.5. წინამდებარე ხელშეკრულების 5.3 პუნქტით გათვალისწინებული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

13.6 შემსყიდველი პასუხისმგებლობას კისრულობს, ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ვადაგადაცილებული თანხის 0.02% პროცენტი.

13.7 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

**მუხლი 14. გადასახადები და ბაუზები**

მიმწოდებელი პასუხს აგებს საქონლის მიწოდებასთან დაკავშირებულ ყველა იმ გადასახადის, დაბეგვის თანხის, მოსაკრებლების და სხვა გადასახადების გადახდაზე, რომლებიც გადასახდელია საქართველოს ფარგლებში და საქართველოს კანონმდებლობით.

**მუხლი 15. ხელშეკრულების ძალაში შესვლა და მოქმედების ვადები**

ხელშეკრულება ძალაში შედის მისი ხელმოწერის დღიდან და მოქმედებს 2019 წლის 31 დეკემბრის ჩათვლით, გარდა საგარანტიო პირობებისა, რომელიც განისაზღვრება გარანტიის ვადის (5.2. პუნქტი) შესაბამისად.

**მუხლი 16. ხელშეკრულებაში ცვლილებების შეტანა**

16.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

16.2. ხელშეკრულების პირობების ნებისმიერი ცვლილება უნდა გაფორმდეს დანართის სახით, რომელიც ჩაითვლება ხელშეკრულების განუყოფელ ნაწილად.

**მუხლი 17. ხელშეკრულების შეწყვეტა**

17.1. ხელშეკრულება შეიძლება შეწყდეს:

- ა) მხარეთა წერილობითი შეთანხმებით;
- ბ) ხელშეკრულების ვადის გასვლის გამო;
- გ) მიმწოდებლის მიერ სამუშაოს ვადების 10 დღით დარღვევის შემთხვევაში (ცალმხრივად შეწყვეტის საფუძველი),
- დ) 13.4. და 13.5 პუნქტებით გათვალისწინებული პირგასამტეხლოს დაკისრების შემთხვევაში შემსყიდველი იტოვებს უფლებას შეწყვიტოს ხელშეკრულება და მოსთხოვის მიმწოდებელს ხელშეკრულების შეწყვეტის მომენტიდან გადასახდელი პირგასამტეხლოს ანაზღაურება.

17.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

**მუხლი 18. დავათა განხილვის წესი**

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

**მუხლი 19. დამატებითი პირობები**

19.1 არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

19.2 შემსყიდველი უფლებამოსილია მოშალოს ეს ხელშეკრულება ცალმხრივად დადგენილი პირობებით, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.

19.3 მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

19.4 ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).

**მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.**

**მხარეთა ხელმოწერები:**

შემსყიდველის მხრიდან:

დავით გოგიჩაიშვილი

გენერალური აუდიტორის მოადგილე

მიმწოდებლის მხრიდან:

კობა კერესელიძე

დირექტორი

\_\_\_\_\_

ხარჯთაღრიცხვა

აუდიტის სამსახურის სატრანსფორმატორო ჯიხურის 630/400/6კვ მკვებავი მაღალი ძაბვის კაბელის აღდგენის

სამუშაოების ხარჯთაღრიცხვა.

მეტრო-ისნის ქვესადგური- სატრანსფორმატორო ჯიხური 630/400/6კვ

#	დასახელება	საზ.ერთ	რაოდენობა	ერთ.ფასი	თანხა (ლარებში)
1	დაზიანების წერტილის მოძებნა მაღალი ძაბვის ლაბორატორიის მანქანით	ც	1	150	150
2	მაღალი ძაბვის კაბელის წვერების გამხოლოება და ქუროს მონტაჟი	ც	2	80	160
3	აღდგენილი კაბელის იზოლაციის გასინჯვა ამაღლებული ძაბვით და ოქმის შედგენით	ც	1	50	50
	საამუშაო-სამონტაჟო სამუშაოების ჯამი				360
1	მასალები				
	მაღალი ძაბვის ქურო (კომპლექტი) თერმოკუმშვადი	ც	2	180	360
	მასალების ჯამი				360
	ჯამი				720
	დღგ	18%			130
	სულ				850

მხარეთა ხელმოწერები:

შემსყიდველის მხრიდან:

დავით გოგიჩაიშვილი

გენერალური აუდიტორის მოადგილე

მიმწოდებლის მხრიდან:

კობა კერესელიძე

დირექტორი